

365

# Eminentissime, & Reuerendissime Domine.

*Loquamur scriptis, ut de nobis tacitus lector iudicet:*

D. Hieronymus lib. 2. Epist. epist. 4.

**A** Vdiimus fuisse aliqua in Sacra Congregatione contra nos exposita, in quibus, dicitur, non apparere ex integro nostra innocentia; ob quod volumus facta explanare, & eorum fundamenta ante oculos E.E. VV. ponere: Ut sic cognita clarius veritate, ipsaque observata, & custodita possit intermerata iustitia E.E. VV. proferre pro nobis, tot, & tales iniurias patientibus, rectissimum iudicium: quia: *qui custodit veritatem in Sæculum, facit iudicium iniuriam patientibus.*

*Psal. 145. vers. 7.*

Primum, in quo asseritur, nos non esse ab omni culpa omninò immunes, est, non admisisse quandam deputationem Iudicis appellationum expeditam à Patre nostro Vicario Generali, munitam cum Censuris, & præcepto, nobisque intimatam. Hoc factum fuit multotiès repetitum, totaque illius difficultas adhuc reducitur: An Pater Vicarius Generalis conformiter ad Statutum Capituli Generalis, iam habens vim Constitutionis, possit deputare Iudicem appellationis Causarum, qui simul sit Præsides Generalis, & Visitator in Prouincia Castellæ; P. Vicario Generali in Prouincia Betica commorante? Et cum recta, & genuina dictæ difficultatis Decisio ex literali intelligentia ipsiusmet Statuti pendeat, eius litera est in primis præoculis ponenda: quæ sic se habet: *Decernitur etiam: quod hac subsistente alternatiua, & ut multitudo Prælatorum vitetur nullus Commissarius Generalis cum voce, & sede in aliqua Prouinciarum instituatur; Sed P. Vicarius Generalis in qualibet Prouincia, ad quam personaliter non potest accedere, nominare debet Visitatorem Generalem ex Prouincia visitanda, & non ex alia, iuxta formam præscriptam in nostra Constitutione dist. 2. cap. 2. 1.;* & secundo conceditur dicto Visitatori Generali sedes, & locus in omnibus Prouincijs Conuentibus ante Commendatores hospites à die nominationis = similiter etiam stabilitum est, quod P. Vicarius Generalis in Prouincia, seu in Prouincijs, in quibus non est facilis recursus ad ipsum, nominet per se Iudicem Appellationis Causarum, qui suam iudicaturam exerceat cum eisdem Coniudicibus adiunctis, cum quibus P. Vicarius Generalis in Causarum appellatione concurrit. Et secundo decernitur,

*In Statut. Capituli Generalis vim Constitutionis habentibus dist. 2. fol. 10. num. 24.*

*ur, quod iudex talis appellationis, qui semper debet esse Vi-  
sitator, sit liber à iurisdictione ordinaria, tam ipse quam Secreta-  
rius ab ipso nominatus.*

**Prima aduertentia.** Posita iam præ oculis littera Statuti, est aduertendum, quod Generalis cuiuscumque Religionis debet habere generalem potestatem in omnibus, in quibus à suis Constitutionibus, & Statutis non limitatur. Sic de P. Vicario Generali nostræ Religionis est dispositum *in nostra Constitutione dist. 2. cap. 6. Ipse verò* ( loquitur de P. Vicario Generali ) *in 1910 Ordine* Generalem habeat potestatem: dummodò nostris Constitutionibus non limitetur.

**Aduertentia secunda.** Etiam est aduertendum, quod quilibet Superior Generalis est inferior Capitulo Generali; & Capitulum Generale statuere potest restrictionem, & limitationem Iurisdictionis ipsius Generalis: Isteque est obligatus obseruare omnia Statuta in Capitulo emanata. Hæc est vniuersalis omnium Doctorum sententia, in quo distinguunt inter Sanctissimum Dominum nostrum Papam, respectu Concilij, supra quod Papa habet potestatem: & Generalem respectu Capituli, supra quod Generalis nullam potestatem, immò inferioritatem, & subiectionem habet. Vt videri est in eximio *Suarez tom. 4. de Relig. tractat. 10. libr. 10. cap. 4., Lezan. in Summa tom. 2. capit. 13. num. 12., & in omnibus Authoribus communiter.* Et circa nostrum Vicarium Generalem est expressum in nostris Constitutionibus habere talem subiectionem respectu Capituli,

*Adest obligatio in P. V. Generali obseruandi statuta omnia tam Capituli Generalis, quam Prouincialis, ex nostra Constit.*

*Obligatur Vic. Generalis medio iuramento immediate ad suam electionem emisso obseruandi omnia Statuta Religionis.*

*Primum fundamentum ex quo ostenditur restr. etio facultatis P.*

esseque obligatum obseruare omnia Statuta tam in Capitulo Generali, quam in Prouinciali Capitulo disposita, vt constat *in eadem distinctione, & capite supra citatis*, ibi = *Exequi tamen teneatur, quæ in eo, ( idest in Diffinitorio Capituli ) fuerint determinata: & adstringatur etiam seruare, quæcumque per Præsidentes Capituli Prouincialis, simul cum Diffinitorio Statuta fuerint.* Et talis Vicarij Generalis obligatio obseruandi Statuta; non solum provenit ex obligatione communi, quæ residet in Religiosis omnibus: sed etiam provenit ex obligatione peculiari, proveniente ex iuramento ab ipso Vicario Generali facto: Iste enim immediate post suam electionem, & antequam Religiosi Subditi ei obedientiam præstent, debet facere, & semper facit iuramentum per Deum, Crucem, & Sancta Christi Evangelia obseruandi inuiolabiliter Regulam, & omnia Statuta Religionis, vt constat *in dist. 2. cap. 3.*

His ergo prænotatis, est videndum, an potestas, & facultas Patris Vicarij Generalis sit ita restricta, & limitata in vim præfati Statuti Capituli Generalis, vt careat facultate ad expediendam prædictam nominationem Iudicis appellationum, Visita-

toris, & Præsidentis Generalis? Nobis fuit visum, facultatem Patris Vicarij Generalis limitatam, & restrictam fuisse ad faciendam similem deputationem. Primò, quia mediante tali Statuto, & dispositione legali Capitulum Generale prætendit multitudinem Prælatorum vitare; hanc enim suam intentio est in suis primis exprimit verbis, ibi = *Vt multitudo Prælatorum vitetur*. Quæ multitudo prælatorum utique non vitatur, si in qualibet Prouincia, à qua P. Vicarius Generalis abest, potest media sua Commissione instituere Præsidentem, Iudicem, & Visitatorem, qui ut talis, sedem, & vocem in Prouincia debet habere, ut ex se clarissimè patet; & consequenter in tali casu frustraneum euadet Statutum: quia cessare debet, suo motiuo, & sine cessante.

Secundò ostenditur prædicta limitatio facultatis generalitæ ex clausula immediate sequenti ipsiusmet Statuti, ibi = *Sed in qualibet Prouincia ad quam personalitèr non potest accedere, nominare debet &c.*, ergò non in omni Prouincia, sed tantùm in ea ad quam modo non sit possibilis suus accessus, valet talem expedire nominationem. Cum ergò nostra exalceata Familia, tantùm ex tribus Prouincijs componatur, & coalescat, quales duæ sunt in Hispania, Castellana, scilicet, & Betica; & alia, quæ est in Italia, idest Sycula: Quis prudens iudicare, vel dicere poterit; mentem Capituli, vel fuisse per præmissa verba, *ad quam non potest personalitèr accedere*, intelligere quamlibet Prouinciã, in qua Generalis actualiter non degit; vel intelligere de Prouincia Castellæ, & non de Sycula, seu Italica, quando Vicarius Generalis sit in Betica? Vtique nullus, quia similis interpretatio repugnat, & dissonat cum litera Constitutionis, & cum lumine naturali.

Tertio, demonstratur eadem restrictio, & limitatio potestatis P. Vicarij Generalis ex alijs verbis eiusdem Statuti, quæ sic se habent: *Similitèr etiam stabilitum est: quod P. Vicarius Generalis in Prouincia, seu in Prouincijs, in quibus non est facilis recursus ad ipsum nominet per se &c.*, in quibus verbis apparet clarissimè, quod in dicta dispositione, Capitulum Generale præ oculis, & in mente habuit, esse Prouincias, inter quas non sit facilis recursus; & Prouincias, inter quas recursus facilis sit; Si enim Capitulum ità non Considerasset, inanè apposuisset illam restrictiuam, *in quibus non est facilis recursus*, quæ quidem dictio pluralis demonstratiua, est limitatiua, & restrictiua ex sua institutione, & natura; Et ut talis ad certos, & determinatos casus limitat, & coarctat. sic habetur in *Leg. 46. ff. de legatis 3.*, & in *Leg. Omnes Populi num. 1. ff. de iustitia, & Iure*, semperque dicta vox se habet, ut conditio, qua non verificata, dispositio legalis sustineri nequit. Sic *Paulus Ca-*

*Vic. Generalis ad faciendam deputationem iudicis appellationis.*

*Secundum fundamentum.*

*Tertium fundamentum.*



*strenf. in Leg. Sic tuum 6. num. 4. ff. de legatis 1. modo sic: Sed nequit concipi difficilis, seu non facilis recursus inter Prouincias Hispaniæ, quæ sunt inter se contiguæ; & facilis ex istis Hispaniæ Prouincijs ad Prouinciã Syculam, siuè ex ista ad illas propter maximam distantiam intercedentem inter Regnum Siciliae, & Hispaniæ; ergo quia mens Capituli fuit, & est, declarare facilitatem recursus inter Prouincias Castellanam, & Beticam; & tantum difficultatem in recurrendo ex Prouincijs Hispaniæ ad Syculam; & ex ista ad Hispanas, & consequenter, si inter Prouincias Hispaniæ est facilis recursus, nequit P. Vicarius Generalis, dum commoratur in vnâ ex illis, facere similem deputationem respectu alterius ex dictis duabus: quia Statutum illius facultatem restringit, & limitat, vt similem deputationem facere non possit, nisi in Prouincijs; in quibus non est facilis ad eum recursus: Et cum sua facultas reddatur in vim Statuti Causa limitata, solum limitatum potest producere effectum; Et cum intra limites dictæ facultatis limitatæ tantum sit expressè inclusus casus deputationis, dum adsit difficultas recurrendi, omnes alij casus sub hac legali dispositione non expressi, ipsomet iure manent exclusi: *Inclusio enim vnus est expulsiõ formalis alterius.**

*Finis, & motiũ prædicti Statuti Capituli Generalis detegitur.*

Ex iam dictis infertur manifestè, quod intentio dispositionis Capitularis fuit limitare in vigore præfati Statuti facultatem P. Vicarij Generalis, ad hoc, vt facere non posset similes deputationes pro suo libito respectu illius Prouinciæ ad quam erat possibilis suus accessus personalis, & ex qua ad ipsum erat facilis recursus intendens, & habens Capitulum Generale pro fine, & motiuo in tali dispositione Capitulari aliquomodo vitare multitudinem Prælatorum. Cumque non possit aliquo cum fundamento, adhuc a pparenti, considerari aliqua alia Prouincia intra limites nostræ Religionis, ad quam P. Vicarius Generalis posset personaliter accedere, dum erat in Beticâ; nec ex qua ad ipsum possent Religiosi processati faciliter recurrere in gradu appellationis, nisi nostra Castellana Prouincia; Apparet innegabile, P. Vicarium Generalem habuisse suam facultatem restrictam, & limitatam ad prædictam nominationem Iudicis appellationis, Vistatoris, & Præsidentis Generalis faciendam; Et sic cum dicta deputatio expedita fuisset absque debita, & legitima facultate, ipso iure, & Facto euasit nulla, & inanis omnino: *Siquidem, omnis actus absque expedita, & legitima facultate elicitus, est ipso iure nullus.* Sic omnes Doctores, & inter eos expressissimè *Fagnanus in Cap. Accepimus num. 44. de passis. Et Castropalao de Lege pænali lib. 1. cap. 5. Et Anguian. de Legib. lib. 2. controuers. 1. num. 64.*

*Deputatio Iudicis recursus facta à P. Vis. Generali fuit nulla utpotè facta sine facultate.*

num. 64. Et cum etiam indubitatum sit in omni morali, & legali principio, quod ad hoc, vt obliget aliquod præceptum, siue, vt aliqua Censura possit ligare, requiritur indispensabiliter Iurisdicção, & facultas sufficiens in Superiore præcipiente: Quia aliter, nec est verè præceptum, nec est legitima comminata, siue fulminata excommunicatione; Non enim sufficit, Superiorem velle præcipere, si aliàs careat posse, seu facultate. Vt citatus Fagnanus asserit in cap. Super in ordinata 35. num. 2. de præbendis. Si ergo prædicta deputatio à Patre Vicario Generali expedita, & Prouinciali, & Diffinitoribus cum præcepto, & excommunicatione intimata, fuit ipso Iure nulla, vtpotè absque facultate elicitata, nulliterque sub pæna excommunicationis illius admissionem præcepit: Quis prudens dicet, quod propter suam non admissionem fuerunt, & extiterunt Prouincialis, & Diffinitores inobedientes formaliter, & innodati excommunicatione?

Et si in vigore præfati Statuti P. V. Generalis non habebat facultatem, immò habebat expressam prohibitionem ad talem deputationem expediendam: qualis poterit recognosci obligatio in Prouinciali, & Diffinitoribus ad dictam deputationem, seu nominationem acceptandam, quamuis præcepto, & excommunicatione munitam, & intimatam? Si Prouincialis, & Diffinitores euidentissimè cognoscunt, esse prohibitum à Capitulo Generali, id quod eis P. Vicarius Generalis præcipit; quomodo possunt P. Vicario Generali obedientiam præstare, & Capitulo contrarium præcipienti non obedire? Cum sit omnibus compertum, quod quando duo Prælati contraria simul præcipiunt, esse obediendum Supremò. Et etiam est indubitatum, non esse obediendum Prælato contra Statuta, & Constitutiones præcipienti. Ex duobus enim (ait Angelicus Doctor in 2.2. quæst. 104. art. 5.) potest contingere, quod Subditus non teneatur suo Superiori obedire: vno modo propter præceptum maioris potestatis; alio modo non tenetur inferior suo Superiori obedire, si ei aliquid præcipiat, in quo ei non subdatur. Et quis dicere poterit, aut quod potestas Capituli Generalis, non sit potestate Superior; aut quod in eo, quod Constitutionibus, & Statutis Religionis aduersatur, subdatur Religiosis suo Prælato: cum apud omnes sit innegabile oppositum? vt in omnibus est videndū, imò in hoc eodem articulo in solutione ad 3. constat ex Angelico Doctore, quod obedientia præstita contra Regularem conuersationem, aut contra professionem regulæ esset obedientia imprudens, & illicita =

Sed quamuis ista doctrina intellecta de quocumque Subdito in particulari, non esset ita communis, & clara, & ab omnibus vniuersaliter admissa; adest nihilominus aliud principium ad

*Prouincialis, & Diffinitores si obediunt P. V. Generali in admissione dictæ deputationis, essent in obediencia alteri Superiori Supremo, scilicet Capitulo Generali; Et etiam Constitutioni, & Statuto.*

*Diffinitores sunt obligati in conscientia operari*

*in defensionem  
Constitutionum,  
iuxta sua dicta-  
mina, quamuis  
Superior, velit,  
aut precipias con-  
trarium.*

*Diffinitores con-  
gregati cum Su-  
periore in Diffi-  
nitorio, non vt  
subditi, sed vt  
Assessores, Coniu-  
dices, & Consi-  
liarij debent se  
gerere.*

*Instantia, &  
obiectio, quæ ex  
aduerso fieri po-  
test.*

demonstrandum, Prouincialem, & Diffinitores fuisse obliga-  
tos in conscientia, ad prædictam nominationem Iudicis ap-  
pellationis non acceptandam: Quia Diffinitores in resolutione  
omnium, quæ ad suum officium, & ad regimen, & obseruan-  
tiam Constitutionum attinet, debent in conscientia suum di-  
ctamen, prout eorum conscientia dictat, exprimere: Quamuis  
cognoscant, eorum sententia esse ægrèferenda à Generali, vel  
ab aliquo alio Superiore; & taliter eis ista obligatio incumbit,  
quod si aliter fecerint, vel motiuo complacendi Superiorem;  
vel quia eis ipse Superior grauem mætum intulit, non excu-  
santur à culpa lethali: iuxta Sententiam D. Augustini ad Casu-  
lanum, relata à Gratiano in Canone *Quisquis undecimo qu. 3.*  
*ibi: Quisquis metu cuiuslibet potestatis veritatem occultat,*  
*iram Dei super se prouocat: quia magis timet hominem, quam*  
*Deum.* Sic refertur in *Tamburino de iure Abb. tom. 3. disput. 1.*  
*qu. 3., & in Rodriguez quæst. Regul. tom. 2. quæst. 45, art. 4.,*  
*& seqq. Et Miranda in suo Manuali Prælat. tom. 2. quæst. 17.*  
*concl. 1. asserit; quod ista Sententia est omnium DD. & pro*  
*omnibus assignat hoc fundamentum: Quod Diffinitores, quam-*  
*uis in se sint subditi P. Generalis, in Diffinitorio verò, non vt*  
*Subditi, sed vt Assessores, Consiliarij, & Coniudices existunt;*  
*Et de istorum munere est, non cæco modo obedire, sed*  
*quod eorum dictamen, & conscientia dictat, in medium ad-*  
*ducere, & pro viribus defendere: & si aliter operantur, & se*  
*gerunt, suo muneri, suisque conscientijs non satisfaciunt. For-*  
*san ad istam vniuersalem, & communem doctrinam atten-*  
*dens nostra lex municipalis, non solum supponit hanc libe-*  
*ram facultatem in Diffinitoribus, vt ad exactam obseruantiam*  
*Legum, & Constitutionum attendant: sed etiam eis ordinä-*  
*tur, quod si P. Vicarius Generalis in exercitio suæ facultatis*  
*aliquo modo exceßerit, eum cum omni reuerentia animaduër-*  
*tant, vel tempore suæ visitationis humiliter corrigatur in littera.*  
*Consil. dist. 2. cap. 6.*

Sed dices in contrarium: Quod, quamuis dicta doctrina admitta-  
tur, vt communis, & vera, loquendo, sicut D. Thomas, &  
DD. loquuntur, de præcepto Superioris præcipientis in con-  
trauentionem notoriam, & claram legis, Constitutionis, aut  
Statuti, in quorum fauorem, nec est dubium, nec saltem proba-  
bilitas aliqua; minimè verò potest præfata doctrina admitti,  
quando saltem dubitatur, aut est probabilitas aliqua in fau-  
rem rei præceptæ, aut Superioris præcipientis: quia in tali casu  
est potius attendendum ad præceptum Superioris, pro quo  
stare debet possessio. Et hoc saltem euenit in nostro præsen-  
tiali casu: Dubitatur enim, & est rationabiliter probabile, interue-  
nire difficultatem in recurso faciendo ex Conuentibus pro-

uin.



uincia Castellæ ad Conuentus Prouinciæ Beticæ, adhuc vt inferiores Religiosi grauari ab alijs Prælatiſ, poſſint faciliter, ad Superiorem Generalem recurrere. Et ſaltem hæc probabilitas demonſtratur ex Decreto S.C., in quo in fauorem P.Vicarij Generaliſ reſcripſit: *licuiſſe, & licere P.V. Generali deputare Viſitatore, & iudicem recurſus ad formam Conſtitutionum, & actorum Capitularium.* Quo Decreto ſuppoſito, nullus abſque temeritate, præſumere poteſt, Sacram Congregationem taliter declaraſſe, circa ſpeciem in ſe improbabilem.

In hoc, (meo videri) ſtare, & conſiſtere poteſt totale fundamentum iſtius præſentis difficultatiſ: Quare ipſo deniſto, & tota difficultas vincetur: Poteſt huic obiectioni multiplex ſolutio adaptari. Primodicens: eſſe ſufficiens, quod præceptum, ſeu res præcepta à P.Vicario Generali, ſit probabiliter oppoſita Statuto, ſeu diſpoſitioni Capituli Generaliſ, ad hoc vt illius obedientia obligatoria non ſit: quia ſemper, quod ſubditus dubitat probabiliter, quod Superior præcipiens excedit in præcepto facultatem ſuæ iuriſdictioniſ, non tenetur ſubditus ei obedire. Sic aſſerunt, quamplurimi grauiffimi DD. vt videre eſt in *Magiſtro Prado tom.1. Theologiæ Moraliſ cap. 1. quaſt.7., & in Dubal. 2. parte quaſt. politiæ. Moral. quaſt.2. diſſenſ.4. n.68., & Soto in reſeſtione 3. quaſt.2. citanturque Suarez, Sanchez, Caſtopalao, Nzuarr., & alij.* Et aduertunt PP. *Salmaticenſes in tom.3. tract. de ſtatu Religioſo punct.6.,* Quod ſubditus probabiliter iudicans, præceptum Superioriſ hic, & nunc ei non obligare: Et ſi aliàs cognoſcat, Prælatus ei præcipere in vim probabilioriſ opinionis, poteſt licitè, & ſine fractione voti, ei non obedire. Et citant pro hac Sententia *Sanchez in ſumma lib. 1. cap. 9. num. 14. Ioannem Saneium, Palaum, Sairum, Nauarrum, Valentiam, Baſques Salas, & Antonium à Spiritu Sancto.*

Secundo dici poteſt ex ſupra citata doctrina Tamburini, de qua aſſerit Miranda, eſſe placitum commune omnium DD. quod Prouincialiſ, & Deſſinitores erant in conſcientia obligati ad procedendum, & operandum ſecundum proprias conſcientiaſ, & dictamina, quamuis aliàs P.Vicariuſ Generaliſ fuiſſet in contraria Sententia, & ægrè contra illos ſe haberet; Et contrarium facientes grauiter peccarent, vt aſſerunt expreſſè præcitati Authores. Et quomodo hoc componi poteſt, ſi illi, quando eſt aliquod dubium; obedire Superiori tenentur? Certè fuiſſet difficile captu. Et difficiliuſ capi poteſt, ſtando, vt ſtare debemus, noſtræ Conſtitutioni municipali ordinanti in additione ad caput ſecundum ſecundæ diſtinctioniſ: = *quæd*

*Prima Reſponſio*

*Reſponſio Secunda.*

*Diffinitores debens iuxta nostram Constitutionem resolvere dubia, quæ circa leges Municipales occurrerint.*

*Ostenditur ab exemplo Diffinitores non teneri obedire Superiori Generali in resolutione cuiuscumque dubij circa legem.*

*Efficaissimo instantia contra præceptum P.V. Generalis fit.*

*si aliquod occurrerit dubium circa legem aliquam ad vitam communem, seu Regimen spectantem, instetque occasio tale dubium decidendi, aut legem interpretandi, consulatur P.V. Generalis, si in ea Prouincia adsit, qui cum eiusdem Prouinciæ Diffinitoribus determinet, quid sit agendum. Si autem P.V. Generalis à Prouincia absit, resolutio dubij fiat à Diffinitorio eiusdem Prouinciæ posteaque Superiori Generali mittatur. Ergo dato, & non concessio, quod circa prædictum Statutum iam vim Legis, & Constitutionis habens, esset, seu concipi posset aliquod dubium, hoc, non à P. Vicario Generali, sed à Diffinitorio Prouinciæ erat decidendum: quod certè stare nequit cum obligatione obediendi P.V. Generali sub prædicto dubio præcipienti. Vt primo intuitu apparet.*

Et ut clarius appareat, ponamus casum, quod in conferentia, & decisione prædicti dubij concurreret cum Diffinitorio ipse P. Vicarius Generalis, qui ad hunc effectum Diffinitorium congregauerat, & in illo Præsidentiam habebat: Et quod ut talis Præsidentis, & Superior præciperet Diffinitoribus eam præcepto formali, & sub excommunicationis poena, quod tale dubium deciderent iuxta votum, & placitum ipsiusmet Vicarij Generalis, quamuis in suis conscientijs Diffinitores contrarium sentirent. Interrogo nunc: erit aliquis sanæ mentis, qui asserat, quod Diffinitores erant in his terminis obligati obedire tali præcepto? & quod non obedire conformando suas resolutiones cum dictamine Superioris, erat inobedientia formalis, & in excommunicationem incurrere? & etiam quod contrarium disputare, seu resolvere, fuisset Diffinitores resolvere, & disputare facultatem, & iurisdictionem P. Vicarij Generalis? Certè utique nemo hoc dicet: aliàs Diffinitorium esset superfluum, nec haberent Diffinitores in dictis resolutionibus votum consultium, & decisuum liberum, quod utique habent à Constitutione; *Quia velle non creditur, qui obsequitur Imperio Patris, aut Domini, ff. de regulis iuris leg. 4.* nunc sic: cur ergo si in isto casu, cum Generalis est Præsidentis illius actus, & ut talis imponit præceptum, non est obligatio ei obtemperandi: potest excogitari obligatio ei obediendæ, quando Diffinitorium Prouinciæ legitime congregatum P. Vicario Generali absente, resoluit, ut debet, dubium circa Statutum, & Constitutionem occurrens?

Est etiam manifesta instantia contra tale præceptum P. Vicarij Generalis supposito dubio, & probabilitate: quia in ista suppositione debemus considerare probabilitatem, sub qua Pater Vicarij Generalis in tali deputatione, & præcepto, non gestit contra Statutum, & Constitutionem; & etiam probabilitatem.



tatem oppositam, sub qua cum contrauentione Statuti, & Constitutionis præcepit. Et inquirō: cur sufficiet P. Vicario Generali illa probabilitas, sub qua dictam deputationem ordinauit, vt non sit inobediens Statuto probabiliter prohibenti similem deputationem: Et non sufficiet nobis probabilitas Statuti, sub qua prohibetur similis deputatio, vt non simus inobedientes formalitèr, præcepto; tantum sub alia probabilitate præcipienti; Et maximè cum verius, & securius debeant omnes asserere, quod possessio stat pro Statuto talem deputationem prohibente, quia prout sic fuit semper inuolabiliter in praxi: quam pro præcepto præcipienti, quod nunquam nec imaginatum fuit. = Et ex hoc assumitur aliud fundamentum ad ostendendum, P. Vicarium Generalem illicitè deputasse talem Iudicem: quia omnibus innegabile est, quod tale Statutum, in quantum prohibitium similis deputationis fuit semper vsque adhuc, in obseruantia, & in praxi inalterabili (vt iam latius demonstrabimus) & consequenter; prout sic gaudet sua possessione: Sed etiam est principium notissimum omnibus, quod in dubijs standum est legi possidenti, quia melior, & securior est sua conditio: ergo, adhuc admisso tali dubio, nequit P. Vicarius Generalis licitè facere similem deputationem; Et cum aliàs nulla adsit obligatio obtemperandi dispositioni, & præcepto illicito & legi opposito; infertur, nullam fuisse obligationem acceptandi similem deputationem.

Sed, vt ne cum aliquo contingenti periculo in via probabilitatis pergamus, aliud securissimum iter assumere debemus, intendentes pro viribus manifestare euidenter omnibus, prædictum Statutum taliter esse clarum sub intelligentia à nobis conceptum, quod nec intrinsicè, nec extrinsicè admisit vnamquam, nec admittere potest dubium, nec probabilitatem. Quod enim probabilitatem extrinsecam numquam admiserit, clarè constat ex facto concordato, & ab vtraque parte subscripto, in quo, cum de isto delicto agitur, nullum exemplum assignatur, in quo aliquis Vicarius Generalis à principio Statuti vsque ad præsens, talem deputationem imaginauerit. Et obiter est detegenda falsitas ex aduerso asserta in tali facto concordato; Siquidem in §. *Seggionge il P. Vicario Generale*, dicitur, non esse plura exemplaria, quia lex Capitularis circa talem deputationem non habuit vim legis, & Constitutionis, vsque dum illam obtinuit in Capitulo Generali celebrato in anno 1717., & quod antea non aderat obligatio obseruandi tale Statutum. Quia quamuis primum sit verum, scilicet, quod statutum in dicto Capitulo, & non antea, obtinuit vim Constitutionis. Secundum falsissimum est,

*Demonstratur Statutum non admittere dubium, nec probabilitatem extrinsecam, nec intrinsecam.*

*Detegitur quædam falsitas posita ab Aduersario in concordia facti.*

quia quis dicere in veritate potest, quod illicò, ac emanat in Capitulo aliquod Statutum, non obliget observatio, sicut quolibet alia Constitutio? habere enim vim legis, nihil addit in ordine ad obligationem observantiæ; Sed solum in quantum ad sui derogationem, quia quando vim Constitutionis obtinet, derogari non valet, nisi consentientibus omnibus votis Capituli Generalis. = Et si Subditi non sunt obligati ad observantiam Statuti, antequam habeat vim Constitutionis; quomodo nos fuimus processati, carcerati, & gravissimis pennis sententiati propter meram fractionem Statuti *de non mutando*, cum tale Statutum adhuc vi Constitutionis non gaudeat?

*Ostenditur ex praxi inalterabili defectus probabilitatis intelligentiæ P.V. Generalis.*

Probatur etiam carentia probabilitatis ex inalterabili praxi, sub qua semper fuit observatum dictum Statutum: Constat enim ex dicto facto concordato, & à partibus subscripto, quod omnes Patres Vicarij Generales, dum in Prouincijs Hispaniæ commorantur, semper pro Prouincia Sycula similem Iudicis deputationem fecerunt; Et quod nullus illam vnquam fecit pro Prouincia Castellæ, dum commorabatur in Prouincia Betica, nec è contrà. Tantum enim sunt duo exemplaria, in quibus reperitur fuisse factam similem deputationem pro Prouincijs Hispaniæ; Sed iustificatum est, hoc euenisse in duabus occasionibus, in quibus P. Vicarius Generalis secessit ex Hispania, & iter fecit ad Syculam: quia solum in his casibus difficultas recursus verificabatur. = Et est notatu dignum, quod ab anno 1696., in quo initium habuit Statutum, vsque ad annum 1720., in quo expedita fuit deputatio, de qua est præsens quæstio, tantum fuit factus vnicus recursus in gradu appellationis a quodam Religioso sententiato à Prouinciali, & Dessinitorio Prouinciæ Castellæ; in quo recessu P. Vic. Generalis, qui tunc erat, immediatè à seipso cum Coniudicibus adiunctis tulit suam Sententiam in secunda instantia in Conuentu de Cadiz, qui est in Prouincia Betica; vt ex testimonio originali communicato, & præsentato in Ponentia constat, & hoc certè ita non eueniret, si P. Vicarius Generalis nominare deberet talem Iudicem appellationis pro recursibus Religiosorum Prouinciæ Castellæ, dum ipse Vic. Generalis in Prouincia Betica degebat.

*Vnicus casus, in quo fuit factus formalis recursus ab initio Status, vsq; ad præsens, in quo recursu facto in Prouincia Castellæ cognouit immediatè à se ipso P.V. Generalis in Prouincia Betica.*

*Dispositio Capitularis de nominatione Iudicis facienda est præceptiua.*

Et roboratur hic discursus, aduertendo: quod dispositio Capitularis ordinans talem deputationem Visitatoris, & Iudicis non est merè facultatiua, sed etiam præceptiua: vt constat clare ex verbis ipsiusmet Statuti, ibi = *Nominare debet*. Quis ergo credet, quod si Statutum admitteret intelligentiam à P. Vicario Generali nouiter excogitatum, quod omnes sui Antecessores dictum præceptum Statuti non adimpleuissent? Et

maxi-



maximè cum illius adimpletio fuisset in commodum, & in maiorem extensionem Generalitæ facultatis, & iurisdictionis. = Cum ergo ex iuridico, & legali principio habeamus, *quod optima legum interpres sit consuetudo*, cumque inalterabilis consuetudo, inuolabilisque obseruantia sit, & semper fuerit pro dicta nostra intelligentia, & non pro illa exaduerso excogitata: Nemò rationabiliter dubitare potest in contrarium, obseruantia enim perpetua, & inalterabilis consuetudo, nec minimæ dubitationi relinquit locum. = Statque etiam pro dicta nostra genuina Statuti intelligentia alia extrinseca efficacissima securitas: quia ita accipi debere Statutum, & hunc fuisse sensum Capituli Generalis, declarant expressè quatuor Patres ExDiffinitores Prouinciæ Beticæ, qui fuerunt legis latores istius Statuti in Capitulo illo Generali, in quo vim Constitutionis obtinuit. Vt patet ex suis declarationibus in nostro *Summario num. 18.* = Etiamque id ipsum comprobant nouem Doctores, & Cathedrarum Moderatores ex principalioribus Vniuersitatis Salmanticæ, cum quibus facta fuit consultatio, & quorum fundatissima dictamina fuerunt Parti aduersæ communicata, & sunt in Ponentia.

Nec dicta intelligentia Statuti nouiter excogitata à P. Vicario Generali potest habere aliquam intrinsecam probabilitatem: quia ex dictis euidenter apparet per dictam intelligentiam, omnimodè destrui intentionem, & finem dispositionis dicti Statuti: Intenditur enim mediante tali legali dispositione multitudinem Prælatorum in Religione vitare, quæ quidem non vitatur sub dicta intelligentia, vt iam dictum est. Et consequenter sub tali intelligentia illa dispositio Capitularis omnino destruetur, quia tota lex corruit, immotuo, & sine legis corridente. = Etiamque dicta intelligentia P. Vic. Generalis est intrinsecè incompatibilis cum formalibus verbis præfati Statuti: quia vt in limine istius scripti dicebamus, quando Capitulum Generale disponit, quod præfata nominatio tantum fiat à P. Vicario Generali respectu illius Prouinciæ, ad quam non potest personaliter accedere, & ex qua ad ipsum non sit facilis recursus: Necessariò supponit aliquam Prouinciā, ad quam possit faciliter personaliter accedere, & ex qua ad ipsum sit facilis recursus; Oppositum enim nullus erit tam inops mentis, quod stando expressis verbis Statuti excogitare possit. Nec quis dicere audebit, quod pro Prouincia, ad quam possit faciliter personaliter accedere, aut ex qua sit facile ad ipsum P. Vicarium Generalem recurrere debere solum intelligi Prouinciā illam, in qua dictus P. Vicarius Generalis adest? Cum similis inepta excogitatio repellatur ex ipsamet materiali expressione Statuti: Vt omnibus merum grammaticalem sensum callentibus erit clarissime notum.

*Comprobatur nostra genuina intelligentia Statuti cum dictaminibus, & declarationibus quatuor ex Diffinitorum Prouinciæ Beticæ, qui fuerunt legis latores Statuti; Et etiam cum dictaminibus nouem DD. Vniuersitatis Salmanticæ. Probabilitas intrinseca in data intelligentia à P. Vicario Generali, depellitur.*



*Ostenditur esse voluntariam difficultatem recursus ex Conuentibus Prouinciæ Castellæ ad Conuentus Prouinciæ Beticæ.*

*Detegitur æquiuocatio exclamata ex aduerso ad stabiliendam necessitatem recursus.*

*Iudex recursus, Vistator, & Præsident Generalis nullâ iurisdictionem habere, nec exercere posset, nisi in Conuentu, in quo actualiter visitaret, & intra præcisos dies visitationis.*

Nec ostat in contrarium ille difficilis recursus voluntariè excogitatus ex aduerso, & de quo asseritur, interuenire inter Conuentus Prouinciæ Castellæ, & Beticæ; quia ad longum est demonstrata in facto concordato distributo maxima facilitas recursus inter prædictos Conuentus. Et certè quando Capitulum Generale hoc disposuit, & decreuit, sciebat benignissimè, quod inter Ciuitates Beticæ, & Castellæ est saltem per Epistolas facilissima, securissima, atque promptissima communicatio, quæ certè sufficiens est ac hoc, vt possit Subditus grauatus aliqua diffinitiuâ sententia à Prouinciali, & Definitorio data ad Vic. Generalem per viam appellationis recurrere omni cum breuitate, & securitate, & cum istâ præscientia, & in omnibus Capitularibus comperta notitia, ita fuit ordinatum, & dispositum, cui ordinationi Capitulari P. V. Generalis, & omnes debemus stare.

Et vt æquiuocatio, cum qua etiam in hoc, sicuti in omnibus prætendit aduersarius mentes confundere, radicitus euellatur, est præ oculis habendum, quod talis visitator, Iudex, & Præsident Generalis nullam habet, nec exercere potest iurisdictionem, nec in Prælatos, nec in Subditos, nisi in recurso facto in gradu iudicialis appellationis alicuius diffinitiuę Sententię datæ à Prouinciali, & Definitorio; Minimè verò in alijs recursibus extrajudicialibus, qui regulariter se se offerunt; Ad hos enim semper omnes Religiosi ad P. Vic. Generalem immediatè debent recurrere, quando eis videatur, esse grauatos per P. Prouincialem: Non enim est aliquis alius Superior in Religione, qui eis in suis grauaminibus subuenire possit. Quod totum apparebit Clarissimè, cuilibet statutum legenti. Et clarius videtur in ipsamet distinctione secunda Actorum Capitularium fol. 15. vbi statuitur, quod talis iudex, & Vistator tantum habeat iurisdictionem in illo Conuentu, quem actualiter visitat, & intra præcisos dies visitationis à Constitutione antiqua taxatos, quæ quidem tantum sunt quatuor, aut sex. Ex his videtur quam sine fundamento ab alia parte vociferatur, esse necessariam talem iudicis deputationem, vt faciliter recurrant Religiosi oppressi ad suum Superiorem: Quando rarissimè euenit casus appellationis iudicialis formaliter, & tantum in isto casu habet locum ad iudicem appellationis recurrere, sicut de facto ex tempore in quo dictum statutum emanauit vnicuius casus prædicti formalis recursus euenit; in quo casu iam supra dictum est fuisse appellatum à reo existente in Prouincia Castellæ ad V. Generalem existentem in Beticâ, Et etiam est sciendum, quod quando facta fuit nominatio iudicis à P. V. Generali (de qua in præsentî) nulla, nec imaginabilis causa fulminata erat contra aliquem Religiosum nostræ Prouinciæ Castellæ.

Nec

Nec etiam obstat contra nostram principalem doctrinam decretum S.C. in obiectione adductum: Quia in primis dictum decretum fuit consequutum nobis inauditis omnimodè, & medijs sinistris representationibus, & cum citatione Constitutionum antiquarum, quæ non solum non deseruiunt ad præsens, imò per talem dispositionem Capitularem derogantur: Quare non iuxta illarum dispositionem, sed iuxta datam per istam Constitutionem de nouo stabilitam procedere debemus; Et sic in dicta representatione facta ex aduerso ad extorquendum tale decretum S.C. continebantur vitia obreptionis, & subreptionis: ob quod speramus, quod manifesta falsitate, & veritate cognita ipsamet S. Congregatio cum sua intemerata iustitia in nostrum fauorem resoluat.

Vel dicimus, & forsàn fundatius, & melius: Quod talis resolutio, seu rescriptum S.C. Nihil affert in fauorem nominationis factæ à P.V. Generali, siquidem non resoluit positiuè, & absolute S.C. in dicto suo Decreto, esse licitum Patri V. Generali facere talem nominationem quomodolibet: sed tantum licere, & licuisse ei talem iudicem deputare ad formam Constitutionum, & actorum Capitularium, & ex consequenti in viam eiusdemmet Decreti, S. C. annullat, & vt illicitam declarat Deputationem illam, quæ non seruata dicta præscripta forma fiat, Ex principio enim generali iuridico habetur, quod quilibet actus elicitus non seruata forma à lege præscripta, euadit, & redditur ipso iure nullus. Et etiam quod id, quod lege prohibente fit, ipso iure nullum est, ff. de regulis iuris leg. 5. Cum ergo totum hoc innegabile sit: Quomodo ex præfato Decreto S.C. argui valet, nec probabilitas, nec positia securitas ad faciendam similem deputationem iudicis contra expressam formam statuti? Et consequenter absque aliquo fundamento præsumitur probabilitas ex opposito, quia nec illam habet statutum ex se, nec ex præfato Decreto valet deduci.

Ex omnibus dictis conpincitur, quod P.V. Generalis voluit Statutum declarare pro suo libito in contrarium, cum aliàs in se, in praxi, & apud omnes fuisset clarissimum oppositum: Et simili declarationi Superioris non tenetur subditus obedientiam præstare, sed statutum ipsum simpliciter, & ad literam obseruare sic Tambur. de iure Abb. tom. primo disp. 16. quæst. 6. Roderiquez tom. primo quæst. regul. quæst. 11. art. 5. Peirin. tom. primo constitut. 13. fol. 470., & omnes communiter. Et non sufficit, quod superior dicat, se præcipere ex iuxta Causa, nisi ista explicetur, & vt talis à Subdito cognoscatur sic Lessius de iust., & iur. lib. 2. cap. 41. num. 77. Dian. 4. part. trat. 3. respons. 8. Ant. à Spiritu Sancto in Directorium Regul. S. 3. nu. 50.

*Congruæ solutiones adaptantur circa decretum expeditum in S.C. circa talem deputationem iudicis recurritus.*

*Non tenetur Subditus obedire Superiori declaranti aliquam Constitutionem, seu statutum quando ipsa Constitutio, & statutum manifestè clare oppositum.*



*Subditus non tenetur ei vi Voti obedire absolute Superiori, sed tantum quando ei præcipitur id, quod expresse, vel tacite continetur in Constitutionibus, iuxta intelligentiam ipsius videntis.*

*Demonstratur, quod quamvis deputatio iudicis recursus esset legitima auctoritate excedita, & cum legitimo præcepto, & censura intimata; nihilominus Prouincialis, & Dissinitores propter sui non admissionem non extitissent, nec inobedientes, nec excommunicati.*

*Decisio vtriusque Iuris circa suspensionem cuiuscumque præcepti, & censuræ per representationem alicuius rationabilis causæ, seu per supplicationem interpositam.*

*§. 52. fol. mibi 110., & citat quamplurimos. Et omnium præcipuum fundamentum est, quia Religiosus ex vi Voti obedientiæ non est obligatus obedire absolute Superiori præipienti, sed solum quando præcipit ea, quæ continentur in Constitutionibus expresse, vel tacite secundum cognitionem, & intentionem videntis. Sic D.Th. 2. secundæ quæst. 104. art. 5. Et in secundo disp. 44. quæst. 2. art. 3. Cum quo, & cum omnibus Patres Teresiani Salmaticenses tom. 4. punct. 5. de obedienciæ pag. 93.*

Sed vt omnis scrupulus imaginabilis radicitus euellatur, demus, quamvis numquam concedere valeamus, quod talis iudicis deputatio esset legitime expedita, & cum legitimis præcepto, & censura munita, & Nobis intimata: Nonne adhuc in isto casu poteramus sindacari, haberi, nec declarari, vt formaliter inobedientes, & innodati censuris comminatis? Certissime non, quia quid communius inter Theologos, & vtriusque iuris consultos, quam asserere, non sufficere ad inobedientiam formalem, & ad excommunicationem contrahendam, non admittere literas Apostolicas præceptiuas, & excommunicationem continentes: dummodo cum aliqua rationabili Causa, & interposita supplicatione fiat? videantur Suarez tom. 5. de cens. disp. 21. num. 75. Rodrig. in sum. 1. part. cap. 156. num. 8. Enriq. de Pontif. cap. 12. S. 2. Bonac. de cens. tom. 3. disp. prima qu. 15. punct. 4. S. 2. Villalob. in sum. tract. 17. difficult. 21. Ant. d. Spiritu Sancto in Canon. 14. Bullæ Cens. Prad. tom. primo Theolog. mor. cap. 3. quæst. 6. S. 5. Mariñes 1. secundæ quæst. 96. art. 4. dub. 8. Dian. 1. part. tract. 10. resol. 6., qui citans plures alios dicit: Quod representatio, seu supplicatio de legitime Mandato, intimatoque legitime, quamvis sit Mandatum Sanctissimi suspendit tam Mandatum, quam censuras, si forte cum eis munitum euadat.

Præter tot, & tam Classicos Authores etiam est hæc veritas decisa in vtroque iure; In ciuili sub lege nemo Cod. de sent. interloc. omnium iudic., & ibidem Glossa asserit. Suspendi obligationem legis, seu cuiuscumque præcepti cuiuslibet Superioris, quacumque rationabili Causa representata. Expressius vero habetur in iure Canonico in cap. si quando de rescriptis, vbi alloquens Alexander 3. cum Episcopo Rauenn. sic ait = Si quando aliqua tuae fraternitati dirigimus, quæ animum tuum exasperare videntur, turbari non debes; (& paulò infra) qualitatem negotii, pro quo tibi scribitur, diligenter considerans, aut Mandatum nostrum reuerenter adimpleas; aut per literas tuas, quare adimpleri non possis, rationabilem Causam præendas; quia patienter suslinebimus, si non feceris, quod praua nobis fuerit insinuatione suggestum. Quid clarius? Et quid, in quantum ad nos attinet,



tinet, proprius. Nos enim nihil aliud gessimus, quando dicta iudicis deputatio fuit nobis intimata, nisi ea audita, & intellecta super ea debita conferentia, & matura præuia consultatione habita, respondere: Quod præfatas literas cum omni, quod par erat obsequio venerantes, cogebamur executionē eis non concedere: sed repræsentare prædictam deputationem esse expeditam contra Constitutionem, & statutum Capitulare, & contra obseruantiam, & praxim Religionis. Quæ responsio sub his terminis substantialibus inuenitur in *Summario ex aduerso dato num. 40.*

Et est aduertendum, quod prædicta iudicis deputatio tantum, in ista occasione fuit intimata Prouinciæ formaliter tali, hoc est, Prouinciali, & Dessenitoribus Congregatis; Aliæ enim notificationes, quæ ad longum in dicto Summario ex aduerso, maximaque cum inuolutione, & confusione referuntur, factæ fuerunt Commendatori, & Vicario Conuentus S. Barbaræ Matritensis, & tribus Dessenitoribus seorsim, qui nullam extra Dessenitorium habebant facultatem, nec ad admit- tendam, nec ad impediendam similem deputationem; & ideo fuit ab eis data responsio sub tali consideratione, ut videri est in dicto Summario ex aduerso. Et quamvis se gessissent, semper eorum assensus, aut dissensus evaderet nullus ob notorium facultatis defectum: Quia admissio aut repulsio illa debebat provenire tantum a Prouincia formaliter tali, quæ Prouincia certè non reperitur, nisi quando Dessenitorium est legitimè congregatum; ut omnibus est compertum. Et sic de primo ad ultimum habemus non esse aliquod principium morale, legale, nec adhuc scrupulosum (si dabile esset tale principium) ex quo dici, aut præsumi possit, nos fuisse formaliter inobedientes, aut innodatos excommunicatione propter non admissionem dictæ ~~admissio~~ deputatio- nis &c.

*Animaduertitur quod talis deputatio iudicis tantum unica vice fuit intimata Prouinciali, & Dessenitoribus Congregatis.*  
+ 2 liter

### *Secundum Delictum.*

Hoc excogitatum delictum consistit in mutatione à nobis facta, ex pecuniis seruatis in deposito, & destinatis ad Beatificationem Seruæ Dei Mariæ à Iesu, de quibus eramus administratores, veluti Prouincialis, & Dessenitores; Et propter quam mutationem fuimus processati, & per septuaginta, & unum dies rigorose carcerati, & grauissimis penis sententiati, postquam ab Officiis fuimus depositi, cuius processus fuerunt iudices Vicarius Prouincialis, & Dessenitores pro interrim positi, in prima instantia, & in secunda P. V. Generalis, & duo Commendatores Coniudices. Nobisque fuit calum- niata

*Refertur statu-  
tum prohibens  
mutationem, &  
illius imitum.*

*Suppositio fit de  
eo, quod pecunia  
depositi, de qua  
facta fuit mutua-  
tio, non est com-  
prehensa, inter  
res inalienabiles  
ex iure communi.*

niata dicta mutatio, utpotè facta in contraventionem cuius-  
dàm statuti emanati primò in Capitulo Generali celebrato in  
anno 1709. Et confirmato in Generali Capitulo habito in an-  
no 1717. quod statutum ad litteram sic se habet: *Statuitur etiam:*  
*quod omnia bona, pecuniæ scilicet, Elemosinæ, fructus, aut*  
*redditus, radicum, aut Capitalium, quæ in unaquaque Pro-*  
*vincia pertinent, tam de præsentis quam de futuro ad Beatifica-*  
*tiones, seu Canonizationes cuiuslibet Servi, aut Seruæ Dei, &*  
*etiam cuiuscumque Memoriam, seu operis pii non possint à solis*  
*Prouincialibus administrari, custodiri, expendi, vel cum ipsis*  
*aliquid emi, aut ad fructificandum censualiter imponi; sed in*  
*deposito tribus clauibus clauso custodiantur, quarum unam ha-*  
*beat Pater Prouincialis, alias vero duas duo Patres Desfinito-*  
*tores antiquiores. Ad expendendum autem, emendum, aut im-*  
*ponendum semper assistentia, & votum decisivum omnium de-*  
*ffinitorum sit necessarium: Mutuari autem nullatenus umquam*  
*possint.*

Ex ipsomet relato statuto, & ex uniuersalissimo omnium Do-  
ctorum placitu est supponendum: Quod quævis alienatio fac-  
ta ex pecuniis dicti depositi non cadit, nec continetur sub  
prohibitione Bullæ *ambitiosæ*, contra alienantes bona Eccle-  
siæ; nec sub aliqua alia prohibitione ex aliquo Decreto Pon-  
tificio, seu Sacræ Congregationis Concilii, proueniente  
non, quia dicta Bulla nec similia decreta non sint recepta in  
Hispania; ut asserit *Amosiaz. de Causis piis lib. 5. de Eccles.*  
*edific. cap. 6. num. 62.* sed præcipue, quia tam dicta Bulla quam  
decreta solum prohibent alienationem bonorum immo-  
bilibium, seu capitalium, & mobiliū prætorum, quæ  
seruando seruari possunt; de quorum genere, non est quæli-  
bet pecunia, nisi alias sit immixta cum perpetuitate aliqua,  
seu cum aliquo onere perpetuo: Sicuti est illa, quæ est im-  
posita ad lucrandos redditus annuales, vel in censibus, vel in  
locis montium, & similibus, seu pecunia illa, quæ est dis-  
posita, & destinata ad emendum aliquod capitale, seu im-  
mobile, propter satisfaciendum aliquod onus perpetuum;  
ut est illa, quæ datur in dote pro sustentanda Moniali, &  
ex Decreto Sac. Cong. Concilii iussu Urbani VIII. habitæ,  
etiam inter inalienabilia debet computari. pecunia illa, quæ  
consignatur cum onere perpetuo Missarum. Pecunia vero il-  
la, quæ prædictam perpetuitatem annexam, seu onus aliquod  
perpetuum non habet: sed prouenit ex aduentitiis elemosi-  
nis, ex redditibus, aut ex fructibus rerum immobilium: aut  
quæ relinquitur ad sumptus quotidianos Monasterii, vel ali-  
cuius operis pii; & si in deposito aliquo reseruetur, inter res  
inalienabiles minimè computatur, est enim tantum transeun-  
ter

ter in deposito. Sic expressissimè Patres Salmaticenses, qui in tom. 4. *De statu Religioso* pag. 156. §. 2. num. 33. sic dicunt: *Pecunia, quæ est Collecta ex fructibus, vel redditibus rerum immobilium, aut ex voluntate Testatoris ad quotidianos sumptus Monasterii relicta, non est computanda, inter res inalienabiles, quia ibi ( id est in deposito ) solum reponitur interim non se offert necessitas illam consumendi.* Et pro ista doctrina citant Franciscum Leonem in *Thesauro for. Eccles. decis.* 160. Paulum, & alios, sed meo videri debent pro ista Sententia citari moralistæ & Canonistæ omnes: sic enim sentiunt Card. de Luca lib. 7. part. 3. de alien. bon. *Eccles. disc.* 1. num. 19. Silua verb. alien. num. 7. Quaranta in *Summario Bull. verb. alienatio* 25. Bonac. de alien. bon. *Eccles. disp.* 2. quæst. unic. punct. 2. num. 5. Lezan. in *Sum. tom.* 2. cap. 19. num. 59. Molin. de just. & iur. tom. 2. *disput.* 465. Boss. latissimè tract. 18. §. 7. n. 371. Barbof. 3. vari. allegat. 95. num. 39. Et ita fuit decisum in quadam dec. Venc. cor. Pamphilio die 13. Novembris 1602., & Riccius in *prax. Curia Neapol. cap.* 75. de alienat. rerum *Ecclesie* num. 8. ex can. eiiciens *dist.* 88. & ibidem Abbas ubi *decisum est*: Pecuniam inter mobilia, quæ servando servari non possunt computari, quia retenta nihil operatur; Et propterea fuit dictum, non requiri solemnitatem ad sui alienationem.

Cum ergo pecunia in prædicto nostro deposito servata ex elemosinis, fructibus, & redditibus radicuum, & Capitalium proveniat; & alias nullum onus perpetuum annexum habeat: Sitque tantum transeunter, seu pro interim in dicto deposito; ut constat evidentissimè ex ipsiusmet statuti verbis; hinc est, quod prædicta pecunia, nec ex se, nec ex alio jure sit inalienabilis. Et quia Capitulum Generale totum hoc ipsum cognovit, permisit administratoribus in eodemmet statuto, posse expendere dictas pecunias, illas censualiter imponere, & cum illis posse emere, prævio tamen omnium eorum voto, ex quo quidem probatur: vel quod<sup>ad</sup> alienationem dictarum pecuniarum ( quamvis alias fuissent inalienabiles ) nihil aliud exigitur, nisi votum Provincialis, & Dissinitorum, ut potest defendi maximo cum fundamento, vel probatur, quod dicta pecunia fuit à Capitulo cognita, ut alienabilis in se: alias enim Capitulum non permetteret earum alienationem expendendo, emendo, & imponendo = Etiam earum alienabilitas patet ex eo, quod antedictum Statutum, solus Provincialis erat administrator, a quo pro suo libito multoties fuerunt alienatæ.

Et est advertendum, quod alienatio mutationis ex dictis pecuniis à nobis facta non fuit in damnum, imo fuit in notorium bene-

*Pecunia dicti depositi tantum congregatur ex elemosinis, redditibus, & fructibus aliquorum Capitalium, quæ sunt sub proprietate ipsius depositi.*

*Vsq. ad annum 1709. fuit Provinciali unicuique administrator dicti depositi.*

*Mutatio facta ex pecuniis dicti depositi fuit cum securitate, &*



*augmento ipsius  
depositi.*

beneficium, & augmentum depositi: Quia istud abs dubio remansit cum omnimoda securitate, mediante securissima scriptura, cum qua habuit legitimam & executivam actionem ad recuperandam dictam pecuniam, quod verè & propriè idem est ac ipsam pecunià habere, ex lege enim 15. ff. de regulis iuris *his, qui actionem habet ad rem recuperandam, ipsam rem habere videtur*. Et sic magis apparet, quod ista consignatio pecuniarum possit vocari accomodatum, quam mutationis alienatio, Et etiam præter punctualem satisfactionem annualem, fuit autem depositum in quantitate 4100. realium ex elemosinis acceptis, & ab ipsis accipientibus mutuum factis = Nec restat scrupulus, quod per dictam mutationem adest notorium impedimentum, ut possit Prouincia uti dictis pecuniis in casu necessario prosecutionis Cause Beatificationis ad quam sunt destinatæ. Quia in primis in nostro casu hoc non evenit, quia ut patet ex scripturis in processu autentice testimoniatis, primum mutuum fuit sub obligatione dandi satisfactionem intra duos annos, & de facto iam fuit satisfactum. Secundum debet annualiter satisfieri reddens in quolibet anno farè duo millia realia <sup>versio</sup> Quam brevissimè remanebit depositum omnimodè reintegratum, & cum augmento notorio = sed magis convincenter ad nostrum intentum dicitur, quod propter istud motivum, seu impedimentum nulla potest excogitari prohibitio in statuto: Cum ipsamet statutum permittat Prouinciali, & Dissinctoribus dictas pecunias ad fructificandum censualiter imponere, ut ex sua litera constat. Et nulli est dubium, quod una ex conditionibus essentialibus Censui, juxta dispositionem Pii V. est, quod à concedente, & dante pecunias in censum, non reperiatur principale, usque dum illas accipiens redimere velit; Et sic certo certius magis impedita manet pecunia censualiter imposita, ad deferendum in prosecutione Cause Beatificationis, quam quæ ad tempus brevissimum mutuatur; Et nihilominus potest juxta statutum imponi dicta pecunia in censum, non obstante tali impedimento; ergo non propter hoc fuit prohibitum mutuare.

Quo iam supposito, solum restat examinare, an mutuatio à nobis ex dictis pecunijs facta, fuerit nec nè delictum, aut fractio culpabilis Statuti mutationem ex eis prohibentis? Ut ergò clariùs constet, & appareat omnibus, quod in prædicta mutatione, talitèr vociferata, & acriter punita, non fuit nec minimum delictum, neque pro foro interno, neque pro externo, est sciendum: quod tale Statutum, ut ex ipsius litera expressè constat, nec includit culpam aliquam, nec exprimit aliquam poenam: & sic nec ad culpam, nec ad poenam illius obser-

uan-

*Possunt in vi  
statuti, Prouin-  
cialis, & Dissi-  
nitores alienare  
dictam pecuniam  
expendendo,  
emendo, & im-  
ponendo.*

*Statutum de non  
mutuando non  
obligat ad culpā  
nec explicat pœ-  
nam aliquam.*

uantia obligat : non ad culpam, quia quamuis tale Statutum  
esset rigorosè Constitutio, ( quod adhuc non est ) ad culpam  
aliquam non obligaret : ità enim est decisum in nostris Con-  
stitutionibus *dislinct. l. cap. l.* ibi = *Nè autem regula, quam*  
*fecit amor in charitate, præiudicium vertatur, volumus, ac de-*  
*claramus, quod Regula, & Constitutiones non obligant nos ad*  
*culpam &c.* = nec etiam obligat ad poenam, quia illa lex,  
aut legalis dispositio, quæ in sua litera, aut contextu non con-  
tinet, nec explicat poenam aliquam, non obligat ad poenam.  
Vt cum *D. Thom. sentiunt omnes in tract. de legib.*, vbi etiam  
dicitur, quod quando Statutum, seu legalis aliqua dispositio,  
non affert, nec inducit ex se obligationem, vel sub culpa, vel  
sub poena, nequit dici verè lex, nec propriè rationem legis  
potest habere : & sic in contrarium faciens, nec legem tran-  
git, nec delictum committit. Cum ergò istius entitatis, &  
qualitatis sit dictum nostrum Statutum, in nulla culpa, nec  
poena incurritur propter fractionem, aut contrauentionem  
illius.

*Nostre Constitutiones  
non obligant ad culpā  
aliquam.*

Sed dato, & non concesso, quod tale Statutum esset rigorosè lex,  
& vt talis eius obseruantia rigorosam obligationem induce-  
ret, nihilominus, vt videatur, quod in nostro casu, nec mini-  
mum delictum propter mutationem factam interueniebat,  
etiam est sciendum : quod tale Statutum, vt in se est, & vt ia-  
cet, nunquam fuit in obseruantia positum, vt demonstratur ex  
documento originali Parti communicato, præsentato in Po-  
nentia, & posito in *nostro Summar. Num. 5.*, in quo habetur,  
quod postquam præfatum Statutum in Capitulo Generali  
emanauit, fuit explicatum à tota Communitate Conuentus  
S. Barbaræ Matritensis, asserente dictum Statutum non debe-  
re intelligi de mutuis cum debita securitate faciendis, sed tan-  
tùm de illis, quæ non habebant sufficientem securitatem; &  
hanc dixerunt esse, & fuisse mentem Capituli Generalis. Ista  
explicatio fuit præsentata Prouinciali, & Definitorio, & ab  
eis admissa, & approbata : in vigorè enim illius ipsi Prouin-  
cialis, & Definidores, qui tunc erant, consignarunt in mu-  
tuum prædicto Conuentui 6000. ducata sub die 7. Augusti  
anni 1712., dictaque explicatio Statuti fuit data, & subscri-  
pta à Patribus Roderico de S. Ioseph, Ioseph de Iesu Maria,  
& Paschasio de S. Ioseph; & admissa, & approbata à Prouin-  
ciali Ioanne à Natiuitate, qui omnes quatuor fuerunt Legisla-  
tores prædicti Statuti, erant enim Definidores pro nostra Ge-  
stellana Prouincia, & vt tales suffragarunt in Capitulo Gene-  
rali, in quo dictum Statutum habuit initium; quod totum  
constat ex suis subscriptionibus apposisis, tam in relato docu-  
mento, quàm in Statutis impressis Capituli Generalis cele-  
brati

*Tale Statutum de non  
mutuando numquam  
fuit practicum abso-  
lutè, & vt iacet.*

*Explicatio Statuti fa-  
cta à plena Communi-  
tate Conuentus S. Bar-  
baræ Matritensis re-  
fertur, & remonstra-  
tur.*

*Explicatio Statuti fuit  
subscripta à quatuor  
ex Definitoribus, qui  
antè fuerant Legis-  
latores ipsius met. Sta-  
tuti.*

*Subscriptio dictæ declarationis, & Statuti facta à tribus Dēffinitoribus interinis, & Iudicibus in Processu contra nos efformato, & à Secretario, & Actore Fiscali eiusdē Processus, ostenditur.*

*Duo mutua facta à Prouinciali, & Dēffinitoribus in vim dictæ explicationis Statuti, sub anno 1712., & 1713. manifestantur.*

*Celebratio Capituli Prouincialis in anno 1713., in qua approbantur mutua facta in antecedenti triennio.*

*Aliud mutuum factum in hoc triennio.*

*Vnus ex Dēffinitoribus mutuantibus, & approbantibus mutuare fuit Vicarius Prouincialis interinus, & Iudex principalis dicti Processus contra nos efformati.*

*Alia celebratio Capituli Prouincialis in anno 1716., in quo iudicatur, & approbatur mutuare.*

brati in anno 1709. = Etiam præfatam interpretationem, seu explicationem Statuti subscripserunt tres Religiosi, qui nunc sunt Dēffinitores pro interim, & fuerunt Iudices in Processu contra nos circa mutationem efformato, quales sunt Patres Rodericus à S. Ioseph, Petrus à S. Barbara, & Franciscus à S. Bonauentura; eamque subscripsit actualis Procurator Generalis Prouinciæ, qui fuit Secretarius dicti Processus; & subscripsit, & de omnibus fidem fecit, vt Pro-Secretarius dicti Conuentus Pater Franciscus à Spiritu Sancto, qui in dicto Processu fuit Actor Fiscalis, & Defensor depositi, & nunc est Romæ Procurator aduersarius.

Præter istud mutuum relatum, & contentum in præcitato documento fuit postea consignatum aliud mutuum eidem Conuentui ab eodem Prouinciali, & Dēffinitorio sub die 4. Maij anni 1713., quod quidem mutuum proprius debet dici factum Domino Ioseph de Norongia, quia fuit aggregatum alteri mutuo eidem Domino præcedentèr facto in quantitate 8000. realium: Vt constat in Processu, in quo stat autentica copia, vt videri est in sua traductione in fol. 167. à tergo vsque ad 169.

In anno 1713. sub die 13. Maij, & seqq. fuit celebratum Capitulum Prouinciale, in quo fuit electus in Prouincialem Castellæ P. Michael à S. Francisco, & in Dēffinitores Patres Paschasius à S. Ioseph, Ioannes à Purificatione, Franciscus à S. Maria, & Ioannes ab Assumptione: qui quidem omnes, vt tales Dēffinitores in dicto Capitulo nouitèr electi viderunt, iudicarunt, & approbarunt dicta mutua facta: Ipsi enim ex Constitutione, & praxi Iudicium formale dictæ administrationis depositi pertinebat = Postea verò ipsimet Prouincialis, & Dēffinitores in eodem anno suæ electionis sub die 14. Septembris dederunt etiam in mutuum Commendatori Conuentus S. Barbaræ Fratri Ioanni à S. Thoma 1500. realia ex dicto deposito: vt constat ex originali ab eis subscripto, & exprimitur in dicto Processu in fol. 226. à tergo. Et hic est notandum, quod vnus ex istis Dēffinitoribus illa mutua in triennio antecedenti facta approbantibus, & hoc præsens relatum mutuum facientibus, fuit Pater Franciscus à S. Maria, qui nunc est Prouincialis interinus, & qui stetit Iudex principalis in dicto Processu contra nos fulminato.

Post hoc triennium elapsum, fuit celebratum Capitulum Prouinciale sub diebus 9. Maij, & seqq. in anno 1716., in quo Capitulo fuit electus Prouincialis P. Raymundus à Spiritu Sancto, & Dēffinitores PP. Thomas à Conceptione, Antonius à S. Raymundo, Ioannes à S. Antonio, & Franciscus à S. Laurentio, in quo quidem Capitulo, sicut fit in omnibus, fuit etiam



etiam visa, iudicata, & approbata ratio administrationis dicti depositi; & consequenter fuit approbatum mutuum factum ab Antecessoribus.

Et cum in anno immediato 1717. fuisset etiam celebratum Capitulum Generale, in quo fuit electus Vicarius Generalis P. Ioannes à S. Marco principalis noster aduersarius, & Iudex in secundâ instantia dicti Processus; In quo Capitulo Generali nihil, nec contra dictam explicationem Statuti, nec contra mutua in vim illius facta, fuit dictum, nec determinatum; quamuis fuit actum de tali Statuto, & consequenter de modo suæ obseruantia: fuit enim confirmatum, & secundo stabilitum. Et sic in anno 1719. in mense Martij fuit data in mutuum per prædictos Prouincialem, & Deffinitores Domino Ioseph de Campo, & Oliua quantitas 8500. realium, vt constat in eodem dicto Processu in sua traductione fol. 160. vsque ad 167.

Post hæc omnia fuit celebratum infauftum Capitulum nostræ electionis sub die 6. Maij anni 1719., in quo Capitulo Prouinciali fuit Præsidentis dictus P. V. Generalis à S. Marco; etiamque in dicto Capitulo (sicut in cæteris) fuit visa, iudicata, & absque aliquo scrupulo approbata ratio præfatæ administrationis, & mutuum factum in dicto transcurso triennio,

Ex quibus omnibus constat euidentissimè, quod data interpretatio, seu intelligentia Statuti à tota plena Communitate Conuentus S. Barbaræ fuit approbata in tot istis relatis Capitulis tam Generali, quàm Prouincialibus. Et etiam, quod tres Prouinciales, & duodecim Dffinitores, qui post emanationem Statuti nobis prædecesserunt, fecerunt ad minus quinque mutua, (forsàn enim erunt & alia, de quibus non habeamus certam notitiam.) = Et habemus, quod dicta mutua à nostris Prædecessoribus facta fuerunt visa, iudicata, & approbata in Capitulis Prouincialibus, quibus ex Constitutione, & praxi spectat eorum formale iudicium. Habemus & etiam quod Capitulum Generale, quod certè omnia ista intellexit, & nouit, nihil in contrarium nec disposuit, nec dixit; & sic tacendo consensit, permisit, & saltèm tacitè approbavit,

Omnibus his scitis, & suppositis, parum est immorandum, vt nostra iustitia, & innocentia cognoscenda veniat, & ab omnibus tateatur: quia iam clarissimè videtur, præfatum statutum tantum sub data explicatione, & intelligentia esse, & fuisse in obseruantia, praxi, & consuetudine ab initio suæ originis, seientibus, consentientibus, & approbantibus, legislatoribus, Iudicibus, & Superioribus. Cum ergo omnis actus prop-

*Celebratio Capituli Generalis, in qua saltèm tacitè approbatur simile mutuarè.*

*Aliud mutuum factum à Prouinciali, & Dffinitoribus nobis præcedentibus.*

*Celebratio Capituli Prouincialis, in qua, presidente P. V. Generali nostro Aduersario, & Iudice in secundâ instantia Processus, iudicatur, & approbatur præfatum mutuarè.*

*Demonstratur ex variis principiis legalibus, fuisse nobis licitum simile mutuarè.*

ter scientiam, & patientiam Superiorum iustificetur ex leg. quis  
 sit fugitiuus S. Sic puto, & ex leg. quod si nolit 31. S. Quia assi-  
 dua ff. de additione = Et etiam Cum tolerantia, & dissimulatio Iu-  
 dicis, & Superioris circa aliquem actum aliis prohibitum dis-  
 pensationem inducat. Et Glos. singul. in cap. quia circa de Con-  
 sanguin. & affinit. Et etiam, actus bona fide elicitus ad persi-  
 diam non referatur. Ex text. in cap. de deposito = Nec aliis,  
 alienatio bona fide facta, sit prohibita ex decis. coram Pamph.  
 sup. cit. = Et similiter, ad fundandam consuetudinem in iure,  
 sufficiant duo actus iudicati, & approbati, & <sup>in</sup> legitimo Iudicio.  
 Vt ex communi DD. sensu asserit Farinac. in prax. crimin.  
 quæst. 95. numer. 28. & seqq. Et taliter, quod, qui post di-  
 ctos actus, tali consuetudine ductus, operatur, omnino excu-  
 satur à dolo, à culpa, & ab omni pœna, tam ordinaria,  
 quam extraordinaria. Quia ex alio legali principio: Omne  
 quod ex consuetudine sit, iure factum esse dicitur ex institut. de  
 iur. nat. S. Ex non scriptis, Ex quibus primis principiis le-  
 galibus debet fateri ab omnibus, nos operatos fuisse maximo  
 cum fundamento in iure, & sic ab omni Culpa esse prorsus  
 immunes,

*Demonstratur ex do-  
 ctrina D. Thomæ fuisse  
 nobis licitum mu-  
 tuare ex approbata  
 consuetudine.*

& etsi multitudo

Etiam nostra mutuatio iustificatur ex Doctrina Angelici Doctō-  
 ris, qui in R. 2<sup>æ</sup> quæst. 97. ait: quod consuetudo, & habet vim  
 legis, & legem abolet, & est legum interpretatrix. Et ibidem  
 in solutionem ad 3<sup>am</sup> ~~Et similitudo~~ non habeat liberam potestatem  
 condendi sibi legem, vel legem à Superiori positam remouendi:  
 tamen ipsa consuetudo in tali multitudine prævalens obtinet vim  
 legis, in quantum per eos toleratur, ad quos pertinet multitudi-  
 ni legem imponere. Ex hoc enim ipso videntur approbare, quod  
 consuetudo introduxit. Ex quo etiam habetur, quod sub data  
 interpretatione statuti ipsamet consuetudo est ipsius statuti  
 alia noua, & practica interpretatio, quæ sub dicta intelligen-  
 tia legem nouam statuit, & sub alia intelligentia distincta, &  
 contraria illud statutum abolet, & derogat: Et maximè cum  
 prædictum statutum sit mere positium, & nullam habeat  
 Connexionem, neque; implicitam, neque explicitam, cum  
 aliquo præcepto, nec naturali, nec diuino.

Fundatus in his principiis Sapientissimus Magister Donatus asserit  
 totam istam relatum Doctrinam in sua prax. Regular. prim.  
 par. quæst. 18. num. 3. ibi = Dicimus, quod semper primo primi  
 violantes legem; non semper peccant in omni actu legi Contrario.  
 Sed tantum in illis primis binis, vel trinis: quia binus, vel tri-  
 nus actus legi latè contrarius inducit consuetudinem, & eneruat  
 legem, Principe tamen sciente, & consentiente. Ita Abb. in cap.  
 de iregula, & Pac. & Glos. singul. cap. quia circa de consan-  
 guin. & affinit. dicit: quod tolerantia Principis in actu prohibi-

*Ostenditur ex elegan-  
 tissima doctrina Ma-  
 gistri Donati fuisse  
 nobis licitum mutuare  
 & nostris aduersariis  
 non licuisse.*

20. inducit dispensationem. Hinc, & fortius, (prosequitur)  
 posteriores non seruantes legem, excusantur ab omni culpa, vel  
 ratione consuetudinis, vel ratione præscriptionis ita Silua verb.  
 lex quest. 6. in fine. Ex qua doctrina prælaudati Magistri non  
 solum habemus fulcita, & iustificata omnia à Nobis patrata,  
 & ostensa, esseq; omnino immunes ab omni imaginabili cul-  
 pa, de qua tam scandalosè fuimus calumniati infamati, pro-  
 cessati, incarcerati, & tot grauibus penis puniti, & sententia-  
 ti; Sed etiam ex præfata doctrina habetur, quod si in mutuare  
 fuit aliquod punibile delictum, tantum fuit ex parte illorum,  
 qui in primis binis, vel trinis actibus mutua fecerunt; & qui  
 etiam simile mutuare approbarunt, Canonizantes id, quod  
 nunc fatentur esse delictum; In quo, abs dubio, maius pec-  
 catum interuenit, quam in ipso actuali mutuare cum formali  
 Contrauentione statuti; Maius enim, & acrius punibile pec-  
 catum committit, qui defendit ipsum peccare esse bonum, &  
 licitum, quam qui de facto peccat. Cum ergo constet ex iam  
 supra relatis, quod primo mutuantes, & qui Sanctificauerunt  
 sua explicatione, & approbatione ipsum mutuare fuissent no-  
 stri aduersarij: Qui & fuerunt Iudices, Secretarius, & Fisca-  
 lis in processu contra Nos fulminato circa dictam mutuat-  
 ionem, immo vt melius dicant, omnes in dicto processu fuerunt  
 verè contra Nos actores; Quomodo ergo contra Nos, & in  
 ipsorum fauorem inuocant auxilium legis, contra ipsam legem  
 peccantes, ipsamque despicientes. Cum constet ex Axioma  
 legali: *Quod legis auxilium frustra inuocat, qui committit in  
 legem.* Ex cap. Eccles. de exceptionibus, & ex cap. quia frustra  
 de usura, & non debet actori licere, quod non permittitur.  
 ff. de regulis iuris leg. 41. = Aut quomodo contra aliquod legale  
 principium, ipsi in nobis reprobant, quod in se ipsis approba-  
 runt: *nemo enim potest in altero reprobare, quod ipsemet appro-  
 bauit.* Et nemo potest mutare consilium suum in alterius iniu-  
 riam, etiam ex ff. de regul. iur. leg. 75. Cur ergo in Nos tot lapides  
 offensionis mittunt, cum ex eis nullus sit absque peccato, &  
 cur talis tantaque iniustitia, tamque scandalosa aduersario-  
 rum ergà Nos impietas potest remanere, non solum impu-  
 nita, verum & exaltata. In tota sua iuuentute, & in sen-  
 ctute sua tota, fatetur Propheta Regius, non uidisse iustum  
 derelictum; & se inspexisse, dicit, impium solum superexal-  
 tatum transeunter, & transitoriè: *Iunior fui etenim senui, &  
 non vidi iustum derelictum; Vidi impium superexaltatum, &  
 transiui, & ecce non erat.* Cur ergo debet nunc ipsamet im-  
 pietas permanenter exaltari, & innocens iustitia derelinqui?  
 Sderamus verò ab integerrima iustitia, & à pietate summa  
 EE. PP. quod consilia magni Gregorij adaptantes: *Nec male  
 audita*

*David. Psalm. 36.  
 D. Gregorius in cap.  
 29. Job. in expositione  
 verb. Causam, quam  
 nesciebam, diligentif-  
 simè inuestigabam =  
 ait ad proferendam  
 sententiam numquam  
 præcipites esse debe-*



mus, nediscussa temere iudicemus; nec quolibet malè audita moueant, nec passim dicta sine probatione credamus.

*audita moueant, nec dicta sine probatione credantur. Et quod sic impietas transeunter exaltata, sit permanenter derelicta: Claraque innocentia, & iustitia non videatur amplius derelicta, sed in Eminentissima intelligentia appareat exaltata. hoc speramus exoramus, & petimus pro iustitia pietate, & gratia &c.*


*Vm illimi, & Obsequentiissimi Serui*

Fr. Franciscus à S. Laurentio Ex-Prouincialis.

Fr. Didacus à SS. Trinitate Ex-Deffinitor.

Fr. Didacus ab Angelo Ex-Deffinitor.

Solutiones difficultatum in SS.  
Congregatione Episcoporum  
Regularium propositarum  
RR. PP. Franciscum à S. Laurentio iam Prouincialem Prouincie Castellæ, & illius Deffinitorem circa non præstitam obedientiam litteris Deputationis Iudicis pellationis factæ à Rmo P. V. Generali Ordinis Mercenariorum Discalceatorum, quam circa tuum Pecuniarum spectat Beatificationem Seruæ Dei Mariæ à Iesu.

  
& Typis Zinghi, & Mopaldi 1771